



AWIG - AWIG
DESA ADAT SIDAN
PERBEKEL DESA BELOK / SIDAN
KECAMATAN PETANG
KABUPATEN DATI II BADUNG
1990

A T U R M A N G G A L A

Om Swastyastu.

Meserana antuk pembuktian manah: titiang puniki rama Desa Adat Sidan sareng sami, sampun pada ingkup turin gilik mangdane saha ngerajegang Awig-awig Adat ring Desa Sidan (desa adat puniki).

Santukan yening sampun awig-awig ring desa adate puniki sami pada rajeg dalem (kukuh), sinah negara druwene sane mawasta "Negara Republik Indonesia" puniki pageh kukuh riantukan hukum Negara Republik Indonesia puniki wantah madasar antuk awig-awig desa pakraman.

Sewosan ring punika, marupa malih maweweh-weweh utawi gargita manah titiang sareng sami, riantukan sakeng Pemerintah Daerah tepengan puniki Pemerintah Daerah Tingkat II Badung taler mikedehang pisan mangdane awig-awig desa adate puniki digelis kawentenang, saha dulur meweh dana.

Awig-awig desa adat puniki karancanayang nganutin pisan pituduh miwah petuah pemerintah, inggih punika sumbang dana mawiwit sakeng : Undang-undang Dasar 1945 miwah hukum-hukum sane sampun karajegang ring panagaran druwene puniki, senistan ipun mangde sampunang patungkas.

Mungguhing awig-awig sane kakardinin titiang mangkin marupa wenten kalih soroh ainggih punika :

1. Pakem awig-awig pakraman (adat) pinaka wiwit.
2. Paswara awig-awig desa krama pinaka pituduh.

Inggih sadurunge atur titiang puniki marupa puput. pangriyining titiang ngaturang pangayu bagia ring pemerintah Kabupaten Tingkat II Badung, atur suksma ring ida dane sareng sami mangdane ledang ugi miwah pangureksa, santukan sampun ring awig-awig desa pakraman desan titiange puniki banget kirang langkung tuna luwih.

Inggih asapunika atur titiang sampun puput sareng sami.

Om, Canthi, Canthi, Canthi, Om.

P I D A G I N G
MAKA BANTANG AWIG-AWIG

DESA ADAT SIDAN

Murda Citta

Sargah	I :	<u>Aran Lan Wewidangan Desa.</u>	
		Palet I. Indik Tri Lingganing	
		Desa Adat	1
Sargah	II :	<u>Petitis Lan Pemikukuh</u>	2
Sargah	III :	<u>Sukertaning Tata Pakraman</u>	3
		Palet I : Indik Krama	3
		Palet II : Indik Dulun Desa adat	5
		Palet III : Indik Kulkul	6
		Palet IV : Indik Pareman	7
		Palet V : Indik Druwen Desa	8
		Palet VI : Indik Sukerta Pamitegep	9
		Kaping 1. Karang Tegal Lan Carik	9
		Kaping 2. Pepayonan	10
		Kaping 3. Wewangunan	10
		Kaping 4. Wewalungan	11
		Kaping 5. Bhaya	11
		Kaping 6. Penyanggran Banjar	12
Sargah	IV :	<u>Sukerta Tata Aqama.</u>	
		Palet I : Indik Dewa Yadnya	13
		Palet II : Indik Rsi Yadnya	15
		Palet III : Indik Pitra Yadnya	16
		Palet IV : Indik Manusa Yadnya	18
		Palet V : Indik Bhuta Yadnya	19
Sargah	V :	<u>Sukerta Tata Pawongan.</u>	
		Palet I : Indik Pawiwahan	20
		Palet II : Indik Nyapian	22
		Palet III : Indik Sentana	23
		Palet IV : Indik Warisan	24
Sargah	VI :	<u>Wicara Lan Pamidanda.</u>	
		Palet I : Indik Wicara	26
		Palet II : Indik Pamidanda	27
Sargah	VII :	<u>Nquwah-nquwahin awiq-awiq</u>	29
Sargah	VIII :	<u>Pemuput Awiq-awiq</u>	30

MURDA CITTA

Om Swastyastu, Om Awignamastu Nama Siddham.
Putusing paseban krama desa adat Sidan gumawe awig-awig
desa pakraman, maka sepat siku-siku pemeneh, wastu
kasidan prayojanan mami kabeh prasama angidep mwah
amagehaken kadi linging awig-awig iki.

Sargah I

Aran Lan Wewidangan Desa

Palet 1

Indik Trilingganing Desa Adat

Pawos 1

Kahyangan Utama Lingganing Desa.

1. Krama Desa Adat Sidan pamekasnia menyungsung Tri
Kahyangan minakadi :

1. Pura Puseh inggih punika : Pura Puseh Selantang,
Pura Puseh Sidan, Pura Puseh Penikit.
2. Pura Desa/Bale Agung.
3. Pura Dalem inggih punika : Pura Dalem Sidan, Pura
Dalem Penikit.

2. Sewos ring punika taler krama Desa Adar Sioan
ngamongin pura-pura minakadi :

1. Pucak Gede ring Sidan.
2. Pucak Rinjani.
3. Pura Luhur.
4. Pura Bukit ring Penikit.

3. Mungguing pura-pura sane keamongin antuk krama banjar
Sidan inggih punika :

1. Pura Pucak Wangde.
2. Pura Ibu.
3. Pura Melanting.
4. Pura Jugul.
5. Pura Bet.
6. Pura Petapan.
7. Pesiraman Tirta Poleng.
8. Pesiraman Bon Biyu.
9. Pura Dugul (Subak Tirta Mangu).

- 4. Mungguing pura-pura sane keamongin antuk krama Banjar Selantang inggih punika :
 - 1. Pura Juwuk.
 - 2. Pura Melanting.
 - 3. Pura Masceti.
 - 4. Pura Peninjoan.
 - 5. Pesiraman Beji.
- 5. Mungguing pura-pura sane keamongin olih krama Banjar Penikit inggih punika :
 - 1. Pura Merta Sari.
 - 2. Pura Puncak Manik.
 - 3. Pura Melanting.
 - 4. Pura Taman.

Pawos 2.

Palemahan Madya Lingganing Desa.

- 1. Desa Adat puniki mewasta Desa Adat Sidan.
- 2. Jabar kekawub wewidangania wates nyatur :
 - Sisih kaler Desa Adat Belok.
 - Sisih kidul Wana Indra Kila.
 - Sisih wetan Tukad Ayung.
 - Sisih kulon Tukad Bangkung.
- 3. Desa Adat puniki kawangun antuk 77 ayahan desa. Sewosan ring punika munggah dados krama banjar adat. Sekeluiring kula warga sane sampun mapekuren magenah netep ring Desa Adat Sidan patut nganyah/banjar adat.
- 4. Setiosin sane dados calon waris.

Pawos 3.

Setra nista Lingganing Desa.

- 1. Desa Adat Sidan puniki ngamongin setra wantah 4 palemahan :
 - Setra Agung ring Banjar Sidan.
 - Setra Agung ring Banjar Penikit.
 - Setra Alit ring banjar Sidan.
 - Setra Alit ring Banjar Penikit.

Sargah II.

Patitis Lan Pamikukuh.

Pawos 4.

- 1. Desa Adat Sidan ngamagehan pamikukuh minakadi :
 - Pancasila.
 - Undang - undang Dasar 1945.
 - Tri Hita Karana manut sade cara Agama Hindu.

2. Tetujon Desa Adat Sidan wantah nyadva :
- Mikukuhang miwah ngerajegang sanghyang Agama.
 - Ngeutamayang kasukertaning Negara.
 - Ngerajegang kasukertaning desa saha pawongania maka sami sekala lawan niskala.
 - Ngerajegang kasukertaning raja brana krama desa adat sami.

Sargah III.

Sukertaning Tata Pakraman.

Pawos 5.

1. Sane kebawos krama desa adat inggih punika : keluarga sane meagama Hindu turin sampun polih pah-pahan (paduman) karang ayahan, tegal, carik muwah sane ngamong karang desa karang kedi padreben ipun newek, saha keni giliran dulun desa/dulun dapuh.
2. Sewos ring punika yadyastun tan pakarang ayahan, nanging sampun jenek iriki ring desa adat Sidan taler patut ngeranjing mekrama banjar adat.
3. Sewos ring ring punika sinanggeh tamyu.

Pawos 6.

Krama Desa Adat Sidan wenten tigang soroh luwire :

1. Krama ngarep (krama desa) : keluarga sane polih pah-pahan karang ayahan, pecatu, tegal/carik padrebyan ipun newek.
2. Krama ngele (krama banjar) : keluarga sane polih karang ayahan kewanten.
3. Krama kaplengan sane madudungan ring krama pengayah/pengele.

Pawos 7.

Kawit dados desa adat (banjar adat).

- Sangkaning ngamong karang utawi pecatu.
- Ngawit pawiwahan.
- Sampun gumana jenek wenten ring sajeroning palemahan desa/banjar pekraman desa adat Sidan.

Pawos 8.

Panemaya munggah makrama desa adat/banjar adat.

- Nyabran sangkepan tilem saha mejalaran tetengeran,

- sadereng arep ring krama sane ngamohgin karang ayahan desa.
- Nyantos tilem mawiwit saking -puputin pawiwahan (mebyakaonan/merebu ring pura).

Pawos 9.

Sahanan krama desa adat/banjar adat sane keni keni tategenan (ayah-ayahan) luwire :

- Ayah nyumek, mapiteges urunan miwah ayah mamungkul sakeng krama ngarep.
- Krama banjar komplangan keni ayahan mamungkul/urunan ring pura Dalem, Pura Melanting.
- Rikalaning ngayah prade wenten sinalih tunggil krama matilar saking sedereng puput karya, wenang krama inucap keni pamidana manut perarem.

Pawos 10.

Krama desa adat kedadosang :

- Mepwangkid ritatkala :
 - a. Sakit, manut perarem.
 - b. Meyadnya, manut perarem.
 - c. Mapeluasan/mapinunas.
 - d. Majenukan.
 - e. Kundangan.
- Tan dados majenukan ritatkala ngagem yasa ring Kahyangan, yan mamurug kapidanda manut pararem.
- Ngampel mapiteges ngentosin ayahan banjar antuk jinah manut pararem.
- krama desa nenten kedadosang ngampel.

Pawos 11.

Wusang dados makrama desa adat/banjar adat, luwire :

1. Sangkaning :
 - a. Penunas ngerage menawi kesah ke dure negara/utawi ke dura desa.
 - b. Kasuwudang dewaning sampun tan prasida ngeseliur salah maprawerti setata nguwug, kecaping awig-awig.
2. Sang Wusan makrama :
 - a. Patut ngaturang ayah-ayahan ke desa.
 - b. Tan polih pah-pahan sangkaning padruwen desa Guna Kaya Desa/banjar, guak nyalen taluh ngarania ika.

P A L E T II

INDIK DULUN DESA ADAT/BANJAR ADAT

Pawos 12.

1. Krama desa adat puniki keanterang antuk kelian desa adat mwang penyaden-penyadenyane.
2. Krama banjar adat keanterang antuk kelian banjar adat mwang penyaden-penyadenyane.
3. Adeg-adegan kelian maka kalih kadi kujaring ajeng malarapan antuk jejawatan/pemilihan olih krama ring paruman kramane soang-soang sabilang 5 warsa turin kelian sane wusan manut senger,wenang panilih malih.
4. Yan gumanti kasidan ngadegang kelian punika mangde sane matatakan ayah ngarep. Inggih yan tan kaside (tan wenten)kengin asing-asing kula warga krama desa/banjar adat Sidan.
5. Penyangga-penyangga (wakil) kelian desa adat/banjar adat,taler pateh kawentenang jejawatan/pemilihan nyabran 5 warsa, nuju ring paruman kramane.
6. Wewilangan penyangga (wakil) manut akeh kidik wewidangan miwah kabuatania.
7. Mungguing jajaran linggih para jurune kadi ring sor :
 - Kelian desa adat. - Kelian banjar adat.
 - Penyangge/wakil. - Penyangga/wakil.
 - Saye juru arah. - Saye juru arah.
 - Krame desa/banjar. - Krame desa/banjar.
8. Kasinoman akehnia manut kawigunan saha magilir nyabran sasih.
9. Sajeroning ngenterang kasukertan niskala kelian desa adat masinggihang pamangku Kahyangan Desa.

Pawos 13.

Swadarmaning kelian desa adat/banjar adat :

- a. Ngenterang pelaksanaan sedaging awig-awig peraremdesa/banjar.
 - na. Nuntun tur ngenterang krama rawuhing warga desa ngupadi antuk petitis.
 - ca. Mawosin kalih niwakang pamutus arep ring wicara warga desa.
 - ra. Maka duta desa matemuang bawos ring sapisire ugi.
- b. Prade dulu-dulu iwang penglaksana keni pamidanda nikel ring kaiwangan soang-soang krama saha kangkat ke- karyanang manut perarem.

Pawos 14.

Petias utawi olih-olihan dulun desa :

1. Sakaluwiring para juru : Kelian desa/banjar, pamangku, patut punika olih-olihan manut perarem.
2. Sakaluwiring para juru kadi munggah kojaring arep puniki taler keni pakenen-kenan mwanng ayah-ayahan.
3. Kelian pura, kahyangan, pemaksan, patut taler polih olih-olihan manut perarem.

Pawos 15.

Dulun desa kagentosin riantukan :

- a. Seda.
- na. Konoroyang dwaning iwang pemargi menawi nilar sesana ;

Ngenoroyang utawi ngentosin dulu-dulu patut sajeroning paruman tur kaingkupang antuk krama desa.

PALET III

INDIK KULKUL

Pawos 16.

Kulkul ring desa adat Sidan kawentenang ipun sakadi ring sor:

- a. Kul-kul desa.
- na. Kulkul banjar.
- ca. Kulkul sekehe-sekehe.

Tabuh tetepakan kulkul.

- a. Kalih tuludan lambat mepiteges tedun ngayah.
- na. Tigang tuludan bulus mapiteges kepancabaya.
- ca. Limang kelentungan mapiteges wenten anak alit medal/lekad.
- ra. Kalih kelentungan mapiteges pamuput pewiwahan.
- ka. Tigang kelentungan makecihna kematian.

Pawos 17.

Kulkul desa utawi banjar tan wenang katepak yening tan sangkaning pituduh dulun desa, sejawaning tengerang kepancabaya. Sang nepak tan sangkaning pituduh patut digelis atur supek maka buatan panepake yan tan mangkana wenang sang mamurung kedanda manut pararem. Kulkul sekehe-sekeha semalihe kulkul pondokan-pondokan tan kalugra nyawurin (matehin) sukat utawi tengeran kulkul desa/banjar, prade mamurug taler kedanda manut perarem.

PALET IV

INDIK PARUMAN

Pawos 18.

Paruman/sangkepan ring Desa Adat Sidan wenten sekadi ring sor :

- a. Paruman/sangkepan desa adat, kawentenang :
 - Nyabran Anggara Kasih lan Purnama, arah kecihna tanpa arah-arah duaning sampun tetep manumaya mapararem.
 - Paruman/sangkepan desa/banjar adat kawentenang tilem lan Tumpék.
 - Napkala (patgata kala) maka jalaran arah-arah manut tatujon.

na. Sangkepan dulun desa kawentenang nganut wiguna.

ca. Paruman sekeha-sekeha manut mabuat.

Paruman desa utawi banjar madudonan sekadi ring sor :

- a. Prasida lumaksana risampun katedunin antuk sang patut ngewiletin kamanggala antuk sang tengeran kulkul miwah mabusana nyelempot, saha tan kalugra makte gegawan sakaluire.

na. Tan maren ngarcana ring ida Bhagawan Penyarikan maka serana widi widane cane.

ca. Tan kalugra ngawetuang suara goco utawi byuta, yang hana mangkana keni pamidanda beye pecamil kadi dandaning nguman-nguman ring sabha.

ra. Pamutus bebawos bryuk sepanggul (ingkup) punika kemang-gehang.

Prade pidaging paruman tan kaingkupan, mangde dulun desa ngilikang bebawos saha putusanya mangde keraremin antuk krama desa, bilih tan praside kasungkemin jantos ping tiga dulun desa wenang nunas bawos ring ngawewenang.

Pawos 19.

1. Sajeroning paruman desa, kelian desa/kelian banjar patut nyiarang pamargin ngenterang desa, pemekas ngawenin indik sekadi ring sor :

- a. Munjuklungsuring pekraman saha ayah-ayah, sulur arta brana, druwe desa.

na. Rencana dulun ngawenin usaha desa kapungkur.

2. Pemutus paruman desa sinanggeh pararem, maka pamitegep palaksanaan awig-awig.

Pawos 20.

1. Pesangkepan dulun desa kawenangan wantah angerincikan pengrancana usaha desa kapungkur.
2. Sangkepan dulun desa tan kawenangan ngawedalang tategenan ring krama sedereng kaingkupin antuk krama desa.
3. Pamutus sangkepan dulun desa ngwetuwang pasuara, maka pidada pituduh sang ngawewenang utawi ngonekang pecak perarem krama desa.

PALET V

INDIK DRUWEN DESA

Pawos 21.

Padruwen desa adat Sidan sekadi ring sor :

1. Kahyangan Desa :

- Pura Desa/Bale Agung
- Pura Bukit, Br. Sidan
- Pura Puseh, Br. Sidan
- Pura Bukit, Br. Penikit
- Pura Puseh, Br. Selantang
- Pura Luhur
- Pura Puseh, Br. Penikit
- Pura Marajapati, Br. Sidan
- Pura Dalem, Br. Sidan
- Pura marajapati, Br. Penikit
- Pura Dalem, Br. Penikit
- Pura Melanting, Br. Sidan
- Pura Anyar
- Pura Melanting, Br. Selantang
- Pura Melanting, Br. Penikit
- Pura Ibu
- Pura Masceti, Br. Selantang
- Pura Pucak Manik, Br. Penikit
- Pura Merta Sari, Br. Penikit
- Pura Pucak Wangde
- Pura Dugul
- Pura Pucak Rinjani
- Pura Jugul

2. Bale Banjar.

3. Wantilan.

4. Tanah Tegal Pelaba Pura akehnia.

5. Setra tigang palemahan makadi : Setra Agung kalih,
Setra Alit asiki ring Br. sidan.

- 6. Setra kalih palemahan makadi : Setra Agung. Setra Alit, Br. Penikit.
- 7. Ayah-ayah minakadi 77 ayahan desa.
- 8. Lelanguwan luwire : Gong, Angklung, Batel, Semar Pagulingan, Ilen-ilen wali makadi : Rejang, Baris gede, Parwa, Barong.

Pawos 22.

- 1. Dulun desa wenang ngetangang pamupon laba lan sepeinggalan druwen desa.
- 2. Pikolih lan pamupon laba desa keanggen prabaya piodalan saha wewangunan ring pura.
- 3. Nyabran pesangkepan desa, dulu pengamong druwe ngewentenang pari indik mujuk lungsuring padruwen ring krama desa.
- 4. Saka luwiring druwen desa patut wenten ilikitania.
- 5. Tan kalugra ngadol utawi ngesahang padruwen desa yang tan kasungkemin antuk karam desa.

PALET VI

SUKERTA PAMITEGEP

Kaping 1.

Karang Tegal Lan Carik

Pawos 23.

- 1. Krama desa pengemong karang desa (tanah sane tan keni tiga sana) patut ngewatesin karang inucap antuk pagehan turus utawi tembok mangda pekantenania asli.
- 2. Wates sane ngamong karang ayahan/tanah pecatu druwen desa utawi tanah druwen ngeraga megaleng ke sor.
- 3. Prade kerasayang pagehan/turus inucap ngelikadin, yen pada arsa menyandinge, kengin batese ngangge pinget kewanten kesaksi antuk dulun desa utawi pracihna pal saking Kantor Agraria.

Pawos 24.

- 1. Sinalih tunggil krama desa/banjar tan kalugra :
 - a. Ngalah-alah margi, tegal ayahan desa lsp.
 - b. Ngalah-alah tanah, tegak kahyangan, setra lan dekanan sinanggeh suci.

2. Prade wenten sekadi ring ajeng, sang ngalah-alah wenang Ngewaliang tanah inucap saha pamidanda sepatutnia kadulurin upakara ring pangalah-alah tanah suci.

Kaping 2.

P e p a y o n a n

Pawos 25.

1. Ngawit nandur pepayonan tanem tuwuh patut adepa agung ngajeroang saking wates, prade jantos ngaliwat wates wenang kasepat gantungin.
2. Yaning wenten tetanduran ngungkulin, semalihe mewastu mayanin kapisage patut keware antuk paiguman ping ajeng praside nruwenang wit, ngrebah utawi notor.
3. Prade sampun keware taler tan wenten usaha sang nruwenang wit, sang rumasa keteen/kejerihang, wenang mesadok ring dulu tur risampung keparitatas kalugra ngicalang wit inucap sakewanten patin pepayongan patut ketawur manut pengelokika sane nepasin.
4. Sane keni pamidande penyanggaskara saha prabeya manut perarem arep ring wewangunan sang kerubuhan luwire:
 - a. Sang nruwenang wit sinanggeh mayanin, prade .
pangkat ngerubuhin wewangunan krama tios.
 - na. Sang notor, munggel utawi ngebah taru tur
ngerubuhin karam tios.

Kaping 3.

W e w a n g u n a n

Pawos 26.

1. Nyabran ngewangun patut :
 - a. Mesadok ring dulu, ping ajeng parade wewangunan nganinin bates.
 - na. Ngangge astra bumi miwah geguluk asta kosala-kosali sanistana manut ring patitis niskala.
2. Prade wewangunan nyayubin bilih-bilih temboke ring telengin wates, risampung keware tur kesadokang ring dulu, wenang kedanda manut perarem, saha tembok inucap kerubah utawi sanistana mangda kekaryanang abangan.

Kaping 4.

Wewalungan

Pawos 27.

1. Sahanan warga desa sane mamiare wewalungan (bawi risampun mabelas utawi banteng sampun mesaluk tali) patut sayaga nitenin negul/nglogor mangde tan ngrusakin karang utawi pabyanan karam sewos, bilih-bilih jantos ngeranjing ngeletehin kahyangan.
2. Prade wenten wewalungan melumbar utawi ngeleb ngerusakin pekarangan/pabyanan krama sewos, risampun kewara kengin ketaban tur kedanda ngewalian wit sane rusak saha nawur penebus papiaran tetaban manut perarem, utawi tan wenang ngenahang banteng ring sawewongkon karang suci, miwah margi agung.
3. Prade nyantos ngeletehin tegak suci, minakadi pemerajan (sanggah kemulan) risampun keparitatas antuk dulu wenang sang nruwenang kedanda mabuhu agung tebasan-tebasan prayasita durmangala prade jantos ngeletehin kahyangan tiga utawi pura pemaksan.

Kaping 5.

Bhaya

Pawos 28.

1. Pari indik bhaya luwire : jiwa, arta, bhaya (kepan-dungan), duracara ring agama.
2. Sang manggihin sehanan jiwa bhaya patut nepak kulkul bulus mapitulung anut pawos 16 (2) 2.
3. Prade ring desa kehanan jiwa bhaya, patut desane ngaturang bhuta yadnya tur sang mayenin katur ring sang ngawewenang.
4. Prade wenten jatma mamisuh utawi nguman-nguman jatma tios kakenin pamidanda bhiya pecamil tebasan prayasita.

Pawos 29.

1. Sang manggihin artha bhaya patut kulkul mapitulung anut ring pawos 16 (2) 2. utawi sang kemalingan atur supeksa ring dulun desa sane pacang nimbangin utawi nandain anut daging KUHP saha mawuwuh penyanggalsara prade wenten jatma ngemaling barang sinanggeh suci.

2. Pratingkahe mapailen ring dusta kebawos saruron. prade wenten jatma manggihin maling tan nyadokang ring dulu jantos jatma tios nyaduang patut kedanda kadi dandaning malingsakuweh pengargan wit manut cacakan banjar tur prade jantos ping tiga melaksana asapunika wenang kasuserah ring sang ngawenang.
3. Prade wenten jatma ngarereh reramon minakadi :daun kelapa, ron, tan pesadok ring sang nruwenanf wit prade kacunduk (ketara) patut kedanda kadi dandanin maling.
4. Yaning wenten jatma mgeranjingin pakubon wiadin pekarangan rikala suwung mewastu sang maduwe karang kaicalang, wenang sang jatma inucap katiwakang antuk maduwe saksi ring Pura Bale Agung.
5. Mangde tan katiwakang manut ring ajeng, asing-asing ngeranjingin kubon jatma tios patut :
 1. Matengeran suara (mekaukan).
 2. Nyantos sang nruwenang karang karang rawuh, utawi masadok ring pengapit pinih tampek, maka buatan pengeranjinge.
 3. Pamedal karangmia kadagingin sawen, makacihna pengarah rikala suwung.

Kaping 6.

Penyanggran Banjar

Pawos 30.

1. Krama desa rikala ngawentenang karya suka duka patut kesanggara antuk banjar.
 1. Prade ngewangun Pitra Yadnya utawi Manusa Yadnya, manut pinunas sang meyadnya.
 2. Pangerombo utawi karya gotong royong krama keaturin pingu manut perarem.
 3. Pingu rikala Pitra Yadnya anut abot dengan Yadnya, prade saking semeng ngantos wengi katurang pingu kaping kalih.

SARGAH IV

SUKERTA TATA AGAMA

PALET I

INDIK DEWA YADNYA

Pawos 31.

1. Pelinggih panyiwian sawidangan Desa Adat Sidan, inggih punika manut sekadi pawos : 1 (I.1). Kahyangan, utama Lingganing Desa.
2. Rahina piodalana ring soang-soang Kahyangan inucap :
 - a. Pura Desa ring : Purnama Kelima.
 - na. Pura Puseh ring : Buda Wage Warigadiang.
 - ca. Pura Dalem ring : Saniscara Kliwon Wayang.
 - ra. Pura Juwuk ring : Purnamaning Kapat.
 - ka. Pura Luhur Desa ring : Anggara Kliwon Kulantir.
 - da. Pura Melanting (Br. Sidan) ring : Buda Wage Warigadian.
 - ta. Pura melanting (Br. Selantang) ring : Buda Wage Kelawu.
 - sa. Pura Pucak Gede ring : Anggara Kliwon Julungwangi.
 - wa. Pura Pucak (Br Penikit) ring : Saniscara kliwon Landep.
 - la. Pura Masceti ring : Buda Umanis Dukut.
 - ma. Pura Pucak Rinjani ring : Sukra Kliwon Sungsang.
 - ga. Pura Ibu ring : Redite Umanis Warigadian.
 - ba. Pura Bedugul ring : Purnama Kasa.
 - nga. Pura Pucak Wangde ring : Buda Umanis Prangbakat.
 - pa. Pura Pucak manik ring : Buda Umanis Julungwangi.
 - ja. Pura Pucak mertasari ring : Buda Umanis Julungwangi.
 - nya. Pura Melanting (Br. Penikit) ring : Buda Wage Kelawu.
3. Pengaci ring pura inucap manut kecap sastra agama saha kelaksanayang manut : nista, madya, utama nganut kawentenan lan perarem.

Pawos 32.

1. Sami pura sane kaempon olih krama desa adat/banjar adat Sidan kasungkemin antuk 5 (lima) pemangku.
2. Ngadegang Pemangku nganut dulun dapuh, rawuh ring ayah nyibakin.

3. Prabya kepemangkuan :

- a. Adiksa Widi (ngawintenin) kamedalin saha kelaksanayang antuk sang ngadegang, mekadi desa utawi krama banjar.
- na. Mapitra Yadnya riwekas ring pemangku patut kesungkemin antuk krama desa/banjar 1/2 saking biya suta pranawa, jangkep lanang istri. Pet prade pemangku sane lanang sampun seda, sane istri (jero salin) patut tetep ngaturang ayah nyarengin pemangku.

Pawos 33.

Swadarman Pemangku luwire :

1. Ngenterang upakara piodalana ring kahyangan utawi ring sowang-sowang pakubon krama.
2. Tan wenang salah sulub, yan mamurug wenang mangku inucap nyepuhin rage.
3. Prade salah sinunggil mangku kapialangan utawi cuntaka kengin nyilang mangku teosan utawi nuwur sulinggih.
4. Samaliha yan sampun pemangku ngayah tigang rahina, ring pura kancit wenten kulawargane kelayusekar, mangku inucap kaqodosang budel sedereng upakara kabawos puput. Upakara kapuputang antuk mangku sane tiosan.

Pawos 34.

Patias utawi olih-olihan pemangku inggih punika pangulem ring pekubon ikrama.

Pawos 35.

1. Pemangku kagentosin ritatkala :
 1. Seda.
 2. Kawusang antuk krama menawi melaksana sane nenten patut, manut perarem.
2. Prade pemangku melaksana nenten nginutin swadarmaning pemangku, patut keni danda manut perarem saha ngewaliang prabeya pawintenan pecak.

Pawos 36.

1. Kasukertan Kahyangan :

1. Tan kalugra ngeranjing kepura ritatkala :
 - Katiban catur cuntaka, mekadi sebel saking ngerage.

- a. Sebel kandel ngeraje swala, swenyane ngantos mabersih.
 - na. Sebel madruwe putra swennyane 42 rahina marep ring memene, 12 rahina marep ring keluargane sane tiosan.
 - ca. Sebel pengantenan swennyane ngantos wusan mabyakala, miwah ngaturang pangerobuan ring kahyangan desa.
 - ra. Sebel sangkaning kepademan manut sengker 42 rahina.
2. Makta sehanan barang sane sinanggeh ngeletehin.
 3. Sato Agung, sajawaning rikala mepada.
 4. Mabusana nenten patut kadi tata cara ngranjing kepura.
 5. Sedereng polih wak-wakan (pituduh dulun desa).
2. Pratingkahe sade nenten wenang ring pura :
 1. Masumpah (cor) sajawaning pituduh dulu desa.
 2. Makobetan, masesenengan, makolem dados asiki lanang wadon, mabacin/mawihara nyangsang busana, menahin pusungan (santukan punika rikala majahitan paut ngelung busung maconger lidinnya).
 3. Munggah teduh palinggih sejabaning pituduh dulu.
 3. Sang mamurung kecaping ajeng, keni pamidanda pamrascita sepatutnya.

Pawos 37.

1. Yan wenten jatma kerawuhan ring pura, kengin kapintonin prade rumase kasungmangsayan, yan tan wiakti jatma inucap kasisipang manut perarem.
2. Prade kahyangan kahanan durmangala, minakadi kepancabaya, pemangku patut digelis nyadokang ring dulu mangda marumang krama desa tur ngawentenang pamrascita sepatutnia.

PALET II

INDIK RESI YADNYA

Pawos 38.

1. Sajawaning pemangku, sang pacang madeg pandita utawi pinandita minakadi balian sonteng, kubayan, dalang, sahaluwiring jagi ngenterang yadnya, patut mesadok ring kelian desa/banjar adat kalih Parisadha Hindhu Dharma.

2. Dulu-dulu ngawas nitenin tur naweng ngalangin, prade wenten kacihnan sasar kekecap miwah drestane, tur nyaksinin upakara saha nyiarang ring paruman desa tegep rauhing wates kawenangan pangenter yadnya.
3. Krama desa patut ngaturang ayah sapemadeg muwah ring pengelepas sang sulinggih riwekas katuntun antuk dulu-dulu.

Pawos 39.

1. Sang sulinggih patut ngeriyinang ngayunin wewidangan jagat sesampunyané wawu muputang yadnya kajebar tios jagat utawi kadura desa.
2. Krama desa sami patut sareng ngewasnitenin katuntun antuk dulu-dulu mangda sahananyadnya sane kawentenang kaicen pamuput olih Pedanda utawi Pinandita manut kawenangannya suang-suang.

PALET III

INDIK PITRA YADNYA

Pawos 40.

Pamargin Pitra Yadnya madudonan manut sekadi ring sor :

1. Pangupakaran sang kelayusekar. :
 - a. Antuk mendem utawi ngeseng, makacihna pekingsan ring ibu pertiwi utawi ring Betara Brahma, masuwe nuptupang prabeya.
 - na. Atiwa-tiwa (upakara Pengabenan/palebun).
2. Upakara-upakaran Pitra Yadnya riwusan keabeanan mewasta munggah daun buning (Nyekah) wawu kelaksanayang pelinggih Dewa Hyang Betara-Betari.

Pawos 41.

Swadarmaning lan tategenan prade wenten sinalih tunggil kalayusekar

1. Sang Kaduhkita patut :
 - a. Nyadokang ring kelian banjar tur nunas tatimbangan ring kawentennya.
 - na. Ngaturin banjar ngerombo mekarnya eteh-ete sarwa kadulurin panyembrama canang sesidan antuk, utawi maweweh wedang ring pangerombo nganter kesetra.
2. Swadarmaning banjar/desa :
 - a. Kelian banjar maritatas pamargin sang kaduhkitan napike pacang kapendem, makingsan riyein, lantur keabeanang.

- na. Prade kabendem raris kawentenang kulikul petahu antuk pawos 16 (3) 2. antuk kelian banjar utawi wakilnia.
- ca. Penyanggran I Banjar selanturnyane :
- Soang-soang krama banjar nedunin patus manut perarem.
 - Ngerombo ngaryaning eteh-ete sawa saha kesarengin antuk krama sane rawuh, maksian.
 - Sami krama banjar nganter kesetra jantos pamendeman puput.
 - Tan kengin ngelelet. langkungan ring 3 (tiga) rahina tur patut polih pangebagan anut paitungan kelian banjar. Yening ngelantur ngaben polih ngelelet 13 rahina.
 - Tan kalugra nginepang bangbang miwah mendem rikala semut sidulur, kala gotongan, lan penganten lan sapanunggalannya.
 - Prade wenten kelayu sekar rikala piodalan, kengin mekingsan tanpa kulikul. Kesaryang ring kero wusan piodalan wawu kapuputang.
 - Rikala miyasa (mehayu-hayu) dados kapuputang secara byatanem.

Pawos 42.

Mungging kacuntakan sekadi ring sor :

1. Cuntaka kelayu sekar ring pejagatan Desa Adat Sidan, luwire :
 - a. Swennyane manut perarem.

na. Prade wenten seda madunungan, sane kadunungan patut keni sebel 12 rahina.
2. Cuntaka pengabenan ngawit saking ngulikul krama banjar tedun mekarya utawi rahina nyamuh, jantos 12 rahina yanning ngaben ngewangun, yening ngaben mewatang polih sebelan 42 rahina.
3. Tan keneng cuntaka luwire :
 - a. Sang Sulinggih. Kelian Desa lan mangku kahyangan tiga.

na. Rikala piodalan risampun ngalang sasih/ngalang tengah ritepengan :

 - Odalan ngemanggung
 - Nyelamping.
 - Ngales ngliwon.

Pawos 43.

1. Atiwa-tiwa (pengabenan) kelaksanayang antuk :
 - a. Nyawa resi (nyawasta geni) santukan tan ngagah utawi menawi sawa tan kakeniang.
 - na. Sawa prateka.
2. Panamayan pengabenan wenten kalih pawos :
 - a. Ngaben dadakan/bah bangun, kedadosan sajeroning 13 rahina.
 - na. Ngaben ngewasa.
3. Dudonan pengabenan ngawit saking ngendag (seda) ngeseng jantos pengiriman utawi nganyut.

Pawos 44.

Pepatusan pengabenan wenten 2 (kalih) soroh :

1. Ngaben ngemasa luwire : manut perarem.
2. Ngaben dadakan, pateh kadi patue seda kapendem. Pangingune ring krama banjar ngawit ngayah anut abot dangan kawentenan karya.

PALET IV

INDIK MANUSA YADNYA

Pawos 45.

1. Manusia yadnya inggih punika upacara-upacara dharmaning manusa ngawit saking patemoning kama petak lawan kama bang sajeroning garba jantos kelayu sekar riwekas.
2. Upacara kadi ajeng madudonang sekadi ring sor :
 - a. Megedong-gedongan duk ngerempinian ibiang.
 - na. Duk sang kama reka medal.
 - ca. Kepus udel.
 - ra. Roras rahina.
 - ka. Tutug kambuhan (empat puluh dua rahina).
 - da. Nigang sasihin (3 sasih).
 - ta. Pawetuan/oton/odalan (6 sasih), (12 sasih) lan (18 sasih).
 - sa. Tutug kelih (ngraja wadone, ngembakin lanangne).
 - wa. Matatah/mepandes.
 - la. mawiwaha.

3. Upacara-upacara inucap nista, madya, utama manut sastra agama saha catur dresta, maka buatan desa dresta, ngawinan sima cara Desa Adat Sidan.

PALET V

INDIK BHUTA YADNYA

Pawos 46.

1. Bhuta yadnya inggih dunika upacara-upacara pabyakala ring pertiwi lan kahyangan, sarwa prani saha upacara-upacara ring bhabhutan.
2. Upacara pabyakala ring sarwa prani luwire :
 - a. Ring sarwa tumuuh rikala tumpek pengatag (saniscara kliwon wariga).
 - na. Ring sarwa ingon-ingon rikala tumpek andang (saniscara kliwon uye).
 - ca. Upacara pekala-kala manusa anut widana kebawos pabyakala.
 - ra. Ring sarwa lelandepan rikala tumpek landep (saniscara kliwon landep).
3. Upacara pabyakala ring pertiwi, kahyangan lan bhabhutan kewastaning mecaru.
4. Pecaruan inucap ring ajeng : nista, madya lan utama manut wiguna sekadi ring sor :
 - a. Eka sata.
 - ra. Resi gana.
 - na. Panca sata.
 - ka. Tawur agung.
 - ca. Panca sanak
 - da. Panca kelud.
5. Sejawaning ring ajeng kawentenang upakara :
 - a. Maejot-ejotan utawi yadnya anyebran wusan ngerateng.
 - na. Mesapuh-sapuh rikala pacang wali ring pura.
 - ca. Mecaru ring ulun pangkung. (sasih karo).
 - ra. Melat tahun/mecaru keenam.

Pawos 47.

1. Nangken ngewarsa rikalaning tilem kesanga kawentenang tawur kesanga ketah bawose ngerupuk, makacihna pacang mapag rahina panyepian benjangne.
2. Upacara panyepian sane kemargiang antuk krama desa adat Sidan sekadi ring sor :
 - a. Amati geni, tan kengin maapi-api.

- na. Amati karya, tan kengin nyambut karya.
 ca. Amati lelanguan, tan kengin maoneng-oneng masuara
 gore lan sepenunggalannya.
3. Pebratan inucap kemargiang saking semeng ngantos wengi
 (benjang semeng) raris kasuarayang kulkul punika cihna
 pangembak.
 4. Sang amurug kecaping ring ajeng keni pamidanda manut
 perarem desa/banjar adat kemargiang antuk petulik/
 decalang desa.
 5. Riwus rahina nyepi (benjangne) makecihna pengawit
 Isaka Warsa, patut soang-soang warga desa sami
 ngaksama.

SARGAH V

SUKERTA TATA PAWONGAN

PALET I

INDIK PAWIWAHAN

Pawos 48.

1. Pawiwahan inggih punika patemoning purusa pradana,
 melarapan manunggalan kayun suka kadulurin upasaksi
 sekala niskala.
2. Pelaksanaan pawiwahan luwire :
 - a. Pepadikan, kemanggala antuk pekraman.
 na. Ngerorod, merangkat riin wawu kakrunayang.
 - ca. Nyeburin, utawi sentana nyeburin risampun
 ngamiletin upakara pamerasan.
3. Pidabdab sang patut mawiwaha patut :
 - a. Sampun manggeh dahi, truna (prasida nganutin UU).
 na. Nganut kecaping agama (tan gamiya gemana).
 - ca. Sangkaning pada rena (tan pakaksa).
 - ra. Kawisudayang prade pengambile tios agama miwah
 kepati wangi.
4. Pemargin pawiwahan mangda taler nganutin undang-undang
 Perkawinan saking sang ngawiwenang.

Pawos 49.

1. Pawiwahan sane kepatutang ring Desa Adat Sidan sekadi
 ring sor puniki :
 - a. Sampun kemargiang pabyakalan utawi pasakapan,
 kesaksiang sekala niskala, antuk pandita utawi
 pinandita.

- na. Wenten kesaksi dulu-dulu, sane mapekelingan ngiliki-tayang pawiwahan.
 ca. Sampun matengeran suara kulkul.
2. Parabian sane tan manut ajeng, sinanggah tan patut (tan sah).

Pawos 50.

1. Tata caraning parabian patut sekadi ring sor :
 Sapa sire ugi pacang ngewarangan pakula warga patut mesadok ring dulu-dulu. Selanturnya dulu-dulu maritatas manut tan manut kakecap parabiane.
2. Pemargin pepadikan manut dudonan :
 a. Pakurenan jantos ping tiga, saha soang-soang malarapan:
 - Kapaertama antuk canang
 - Kaping kalih antuk canang ring ajeng.
- na. Risampun mapragat raris sang istri keajak budal ring pakubon sang lanang saha kelanturang antuk pabyakala.
 ca. Mangda pragat tumus sekala niskala raris kulawarga purusa mangkat pejati ring mrajan wadone.
3. Prade ngerorod/mangkat patut sekadi ring sor :
 a. Reraman lanange ngawentenang pamilaku/pejati antuk duta sakirangnye 2 (kalih) diri.
 na. Pagenahan antene tan kengin ring pakubon sang lanang sadereng mabyakala.
4. Sajeroning pakurenan/pangelukuan patut :
 a. Kemanggala antuk geng sinampura arep reraman wadone.
 na. Kaiguman bawos idih kaidih utawi alegayang arep ring pasuakan ring sang idih saha dewasa pakerabkambene riwekas.
 ca. Kacihnayang indik kapurusa utawi prade santana rajeg kajejerang kapatut ngidih anak lanang sane kabawos pawiwahan nyeburin.
 ra. Prade tan trima pejadi, pakrunan kemargiang jantos ping tiga.
 ka. Pakerabkambeyan mapiteges upacara tinas apadang (puput) mapikuren duaning manut sekadi ring sor :
 1. Sajeroning kabawos ambe kelaksanayang sekala niskala antuk serana jejauman mwah pawidi widana.
 - Jejauman pinaka ngambe/ngadungan kayun soang-soang pakule wargan wadone.
 - Widi widana pinaka pejati niskala nunas wadone ring pamrajan kamulannya.

2. Sajeroning bawos krab pelaksanaan ring sekala.
 - Antuk penyaksi krama banjar.
 - Pamekasi penyaksi dulu-dulu saha ngilikitayang.

PALET II

INDIK NYAPIAN

Pawos 51.

1. Pawiwahan paresida kawitang melarapang antuk palas merabian utawi kepademan.
2. Wusan mapekuren riantukan salah sinunggil seda mapiteges balu mekadi balul lanang/istri.
3. Palas marabian wenten kalih pawos inggih punika sangkaning pada lila miwah mewiwit wicara.
4. Sang ayat palas merabian patut atur supeksi paiketan riining sang rumawos (pengadilan negeri), wastu dinas apadang pmutuse kebawos nyapian wadu nyiarang kawentenannya ring desa saha keni pamelin kulkul manut perarem.

Pawos 52.

Tata cara palas parabian sangkaning lascarya sekadi ring sor puniki:

1. Nawur prabya pasaksi sinalih tunggil sami pada matenge.
2. Pagunan kayan polih pahan pada.
3. Pabekel, tatadan soang-soang kekuasa niri-niri mwah wewarisan kekuasa antuk purusa.
4. Ngeweruhin miwah ngupajiwain preti sentana manut swadarmaning guru rupaka.
5. Nawur pamidanda panumbas kulkul manut perarem.
6. Nglung jinah manut loika dulu.

Pawos 53.

Prade riwekas sang palas adung malih patut sekadi ring sor :

1. Ngelaksanayang pawiwahan malih.
2. Kedanda manut perarem, yadiastun wit palase pecak sangkaning lascarya.

Pawos 54.

Sang balu kabinayang dados :

1. Balu luh wit sentana (sentana rajeg) miwah balu luh boya sentana.
2. Balu muani kapurusan (wit sentana) miwah balu muani nyeburin boya sentana.

Swadarmaning balu inucap patut :

1. Ngemanggehang pati brata tan kengin ngemargiang para dara/drati krama.
2. Ngewasayang waris, pagunakayan, tan dados ngadol miwah ngadiang, makidihang, lan sewosan punika sejawaning kebebasang saking kurenane.
3. Kengin ngidih dentana prade wenten pidabdab sedurung sinalih tunggil padem, saha kebebasang antuk Keluarga sinanggeh kepurusa.
4. Kawenangan mewiwaha malih prade wenten kebebasan antuk angka 2 (kalih) ring ajeng.

Pawos 55.

Balu kaucap tan pageh mekadi ring sor :

1. Dratikrama utaei para dara.
2. Matilar saking pakubon tan pasadok jantos 6 (enam) sasih.
3. Lempas ring swadarma sewos-sewosan tan ngesehin solah meprawerti arep ring pituduh keluarga purusa.

Pawos 56.

1. Sentana wenten kalih pawos sane kaucap preti sentana miwah sentana peperasan.
2. Preti sentana inggih punika sentana sane metu saking pawiwahanne kapatut.
3. Prade pawiwahanne tan kapatut ngawetuang sentana, mangde tan kantun kawastanin bebinjat utawi astra yogya kemenggala antuk penyanggaskara.
4. Pradene pawiwahanne tan ngawetuang sentana kengin ngidih sentana (peperasan) antuk upa saksi sekala niskala sane kewastanin sentana peperasan.

Pawos 57.

1. Ngangkat sentana manut dudonan patut makecihna artabrana pamerasan saha kesaksiang sekala niskala.
2. Sapasira ugi krama pacang ngidih sentana patut masadok ring klian desa adat sanistane asasih sadereng pamerasan.

3. Klian desa adat nyiarang ring wewidangan desa. sang sapasira ugi rumaksa tan lila mangde nyadokang masengker kalih wuku sebanan pamerasan ring klian desa/banjar.
4. Dulun desa digelis mawosin saha-ngicenin pamutus nepak ring catur dresta miwah perarem.
5. Prade sulurpamerasan tan manut ring kecaping ajeng, dulun desa wenang ngandeg sang pacang makarya, saha ngicenin panuntun mangde kapuputang riyin bebawos sulur utawi wicaranya.

Pawos 58.

1. Paperasan sane patut ring Desa Adat Sidan risampun makacihna :
 1. Widi widana paperasan.
 2. Kesaksinin antuk dulun desa sane makelingang utang- ngilikitayang tur.
 3. Kesiarang ring wewidangan desa adate.
2. Sane kapatut anggen sentana sekadi ring sor :
 1. Jatma maagama Hindu.
 2. Papernahan nedunang saking sang meras.
 3. Keluarga saking purusa, prade tan wenten kengin sakeng wadon, yening taler tan wenten wawu kengin sekama-kama (sakeng kayun)
3. Kengin ngangkat sentana langkungan ring adiri lanang wiadin wadon.

P A L E T IV

INDIK WARISAN

Pawos 59.

1. Warisan inggih punika tetamian arta brana saha ayah-ayahan sukerta sekala niskala sakeng keluhurannya arep ring turunannya.
2. Kang sinanggeh warisan luwire :
 1. Due tengah makadi : tegal ayahan desa, kahyangan pusaka siwa karana, lsp.
 2. Pemerajan kemulan.
 3. Pegunakayan, tatadan/jiwadana, utang-piutang.
3. Wawu kengin kebawos warisan prade wenten :
 1. Sang mapiturun (pewaris)
 2. Keturunan (ahli waris)
 3. Artabrana miwah tetegenan (ayah-ayahan) makacihna warisan.

Pawos 60

1. Ahli waris luire :
 1. Prati sentana purusa.
 2. Prati sentana predana (sentanarajeg).
 3. Sentana paperasan lanang/wadon.
2. Prade tan wenten sekadi kerajegang sinanggeh ahli waris :
 1. Turunang purusa pernah ngunggahang minakadi rerama misan mindon.
 2. Turunang purusa pernah kesamping mekadi keponakan misan/mindon.

Pawos 61.

Swadarmaning ahli waris patut :

1. Nerima saha ngusahayang tetamian pahan saking keluhurannya mekadi ngerempon sanggah, pura saha pangupakarania nyeledihinin ayah-ayahan pewaris.
2. Ngabenan pewaris saha ngelantaran upacara-upacara Pitra Yadnya.
3. Nawurin utang-utang pewaris sane manut pangeluweka.

Pawos 62.

Pangepahan warisan manut sekadi ring sor :

1. Risampun kelaksanayang pitra yadnya lan utang-utang pewaris buntas ketawur.
2. Pare ahli waris pada polih pohon sangkaning pagunan kayan.
Sejabanin karang/tegal ayahan desa kemong antuk ahli waris kang sinanggeh krama ngarep utawi krama kamplengan.
3. Sinalih tunggil ahli waris kengin tan polih pahan prade :
 1. Nilar kawitan lan sesananing agama.
 2. Alpaka guru rupaka.
 3. Sentana rajeg kesah mawiwaha utawi preti sentana nyeburin soang-soang kabawos ninggal kraton.
4. Boya ahli waris kengin puponin hasil anut dadauhan luwire :
 1. Sentana luh sedurung kesah mawiwaha utawi alpaka guru miwah prade medrebe pianak tan keangkenin antuk wong tua rare inucap kengin ngewaris wantah pikolih piguna kayan sentana luh inucap kemawon.
 2. Balu luh wiadin muani nyeburin soang-soang boya sentana.
 3. Mulih deha urawi terunan, riantukan eing pawiwahane pecak sampun kabawos ninggal keraton.

5. Pewaris kengin maweweh rikala maurip pinaka jiwa dana lad tatad/bekel makecihna paweweh tetep ring pianak sane kesah mawiwaha.

Pawos 63.

1. Prade sajeroning pakulawarga wenten ahli waris langkungan ring andiri patut sekadi ring sor :
 1. Kawentenang paigum indik pedum waris inucap.
 2. Yan tan praside karunasan ketimbang ring dulu-dulu (kerta desa).
 3. Prade taler tan wenten sumpu ring penepas kerta desa, kengin katumusang ring sang rumawos (Pengadilan Negeri).
2. Prade jantos karang desa kaepah utawi kasepih, patut sinalih tunggil nedunin mekrama desa marep (batan paha).
3. Prade karang inucap keputungan, patut dulu nibakang ring sor :
 1. Sang sinanggah ahli waris manut pawos 60.
 2. Sang kengin anggen sentana manut pawos 58 (2) miwah (3).
 3. Prade taler tan wenten cumpu ring penebas kerta desa, kengin katrunasang ring sang rumawos (Pengadilan Negeri).
4. Prade jantos karang desa keepah utawi kasepih patut sinalih tunggil nedunin mekrama desa ngarep.
5. Prade karang inucap keputungan patut dulu-dulu nibakang ring sor :
 1. Sang sinanggah ahli waris manut pawos 60.
 2. Sang kengin anggen sentana manut pawos 58 (2) miwah (3).

S A R G A H VI

WICARA LAN PAMIDANDA

PALET I

INDIK WICARA

Pawos 64

1. Sane wenagn mawosang mekadi mutusan wicara ring desa inggih punika dulun desa sinanggah kerta kelian desa adat/banjar.

2. Prade sang mewicara tan wenten cumpu ring pemutus kerta desa kengin nunasang wicara inucap ring sang rumawos (Pengadilan Negeri)

Pawos 65.

1. Sehana wicara mawiwit kacurahang saha luwire sinanggih nungkašin daging awig-awig pasuara miwah pararem desa/banjar dulu patut digelis mawosan tan nyantos mesadok.
2. Sejaba wicara kadi ajeng patut ngantosang pesadok sang nunas bawos.
3. Penepas patut pastika nyantenang iwang patut melarapan Tri Pramana (saksi, ilikita, bukti) miwah tan maren nepak ring catur Dresta.

PALET II

INDIK PAMIDANDA

Pawos 66.

1. Desa/banjar wenang niwakkang pamidanda ring warga desa sane sisip.
2. Paniwak inucap kalaksanayang olih kelian desa/kelian banjar.
3. Bacakan pamidanda luwire :
 1. Ayahan panukun kasisipan.
 2. Danda artha (dosa, danda saha panikel-panikelan mwah panikel urunan)
 3. Rerampangan.
 4. Kedaut karang ayahannya.
 5. Kasepekan.
 6. Penyanggaskara.
4. Pamidanda sane katiwakang patutr mesor singgih manut ring- kasisipan.
5. Jinah utawi artha brana pamidanda ngeranjing dados druwendesa/ banjar

Pawos 67

1. Krame sane langkung ring tigang paruman ngelantur tan nawur urunan miwah dedendan wenang kerampag
2. Kerampaganngangge tata cara sekadi ring sor :
 1. Kelaksanayang antuk dulu kesarengin antuk krama sekehe tigang diri maka saksi.
 2. Sang ngerampang sangkaning darsana ngambil barang utawi ngawening tanen tuwuh, akehnya manut ring utang sang kerampag.
 3. Dulu miteketang mangda barang-barang sane kerampag digelis ketebus masengerawuku ring kutus rahina keranjingan dados druwen desa.
 4. Tan nganining saluwir barang sane patut inggilang manut agama miwah mademang pangupa jiwa sang kerampag.

Pawos 68.

1. Prade sang pacang kerampag ngegawe (ngalangin) pelaksana inucap mawastu sampun tan nganutin awig-awig desa adat Sidan wenang karang desa sane kagenahin kedaut antuk desane.
2. Semalih yan purun taler ngalangin pelaksana kadi ajeng tan wentan pamargi sajawaning kesampingan antuk krama desane.
3. Pamidanda inucap ring ajeng keni buntas risampun sang kakeninin :
 1. Nunas geng sinamkpura ring krama desa riantukan nguak pasubaya (pararem) pecak.
 2. Nawur pengargan penguak pasubayaneduk pacang kerampag kadulurin prayascita penyaksi keiwangane ring desa.
4. Sinalih tunggil krama desa wenten sane tan nganutin tatakrama (patedunan) patut ketibakin :
 1. Ngawentanang pamidabdab riyin ring sang tan nganutin tatakrama jahtos ping tiga.
 2. Yan tan praside separo saking druwen ayahan ipun kerampag antuk desa.

S A R G A H VII

NGUWAH-NGUWAH AWIG-AWIG

Pawos 69.

1. Nguwah-nguwahin awig-awig desa punika kelaksanayang antuk paruman desa.
2. Awig-awig puniki kema'ngiang ngawit keingkupan (keraremin)

Pawos 70.

1. Saha luwire sane wenten sederengnya patut keanutang ring sedaging awig-awig puniki.
2. Saha luwire sane durung kebawos sajeroning awig-awig puniki patut kelaksanayang manut tata cara sane sampun ketah memargi kaduluring antuk pararem-pararem.

PEMUPUT AWIG-AWIG

Pawos 71.

Awig-awig puniki keraremin duk rahina Raspati Pahing wuku Kulantir Pangelong Apisan sasih Ketiga Icaka 1912 tanggal Masehi 6 September 1990 ring Bale Banjar Adat Sidan.



- 1. Kelian Br. Adat Selantang.
- 2. Kelian Br. Adat Sidan.
- 3. Kelian Br. Adat Penikit.

(I Wayan Pugleq)

(I Wayan Badung)


(I Made Suteja)




(I Wayan Jebing)



(I Made Beroneng)




(I Dw. Gd. Simpen)



(I Suada/Wiyana)

Mengetahui/mengesahkan
Bupati Kepala Daerah Tk. II Badung

(I Gusti Bagus Alit Putra)



Mengetahui
Camat Petang

(Drs. I Wy. Widia)
NIP : 010073271.